

V ASEMBLEA NACIONAL

ESTUDAMOS PARA
LIBERAR
GALIZA



ESTATUTOS

ESTATUTOS DE ERGUER

| | |
|---|-----------|
| CAPÍTULO I: DA ORGANIZACIÓN, ÁMBITO, FINS E PRINCIPIOS | 1 |
| Artigo 1º | 1 |
| Artigo 2º | 1 |
| Artigo 3º | 1 |
| CAPÍTULO II: SOBRE SIMBOLOXÍA E COMUNICACIÓN | 3 |
| Artigo 4º | 3 |
| Artigo 5º | 3 |
| Artigo 6º | 3 |
| CAPÍTULO III: SOBRE AS PERSOAS ORGANIZADAS | 4 |
| Artigo 7º | 4 |
| Artigo 8º | 4 |
| Artigo 9º | 5 |
| CAPÍTULO IV: ESTRUTURA ORGANIZATIVA E FUNCIONAMENTO DOS ÓRGANOS | 6 |
| Artigo 10º | 6 |
| ÓRGANOS NACIONAIS E AS SÚAS FUNCÍONS..... | 7 |
| Artigo 11º | 7 |
| Artigo 12º | 7 |
| Artigo 13º | 8 |
| Artigo 14º | 9 |
| Artigo 15º | 10 |
| ÓRGANOS ZONAIS E AS SÚAS FUNCÍONS..... | 11 |
| Artigo 16º | 11 |
| Artigo 17º | 11 |
| RESPONSABILIDADES E AS SÚAS FUNCÍONS | 12 |
| Artigo 18º | 12 |
| Artigo 19º | 12 |

| | |
|---|-----------|
| Artigo 20º | 13 |
| Artigo 21º | 13 |
| Artigo 22º | 14 |
| Artigo 23º | 15 |
| Artigo 24º | 15 |
| Artigo 25º | 15 |
| Artigo 26º | 16 |
| A COMISIÓN DE GARANTÍAS..... | 16 |
| Artigo 27º | 16 |
| Artigo 28º | 17 |
| Artigo 29º | 17 |
| CAPITULO V: SOBRE O REXIME ECONÓMICO | 18 |
| Artigo 30º | 18 |
| Artigo 31º | 18 |
| Artigo 32º | 18 |
| Artigo 33º | 19 |
| CAPITULO VI: SOBRE A MODIFICACIÓN DE ESTES ESTATUTOS E DISOLUCIÓN DA ORGANIZACIÓN..... | 20 |
| Artigo 35º | 20 |
| Artigo 36º | 20 |
| Artigo 37º | 20 |
| Artigo 38º | 20 |

CAPÍTULO I: DA ORGANIZACIÓN, ÁMBITO, FINS E PRINCIPIOS

Artigo 1º

ERGUER. Estudantes da Galiza é unha organización estudantil galega para a defensa dos dereitos do estudantado pertencente ás clases populares cuxo obxectivo estratéxico é acadar un ensino galego, público, de calidade, democrático, laico, feminista, inclusivo, ecoloxista e científico.

Artigo 2º

ERGUER. Estudantes da Galiza é unha organización plural, que forma parte do movemento nacional-popular galego e por tanto defende o noso dereito a decidir como pobo e a difusión da conciencia nacional galega entre o estudantado, actuando conforme ás nosas realidades e necesidades.

Artigo 3º

Os principios ideolóxicos de Erguer. Estudantes da Galiza basearanse nos seguintes puntos:

- **Nacional:** ERGUER. Estudantes da Galiza defende e reivindica a soberanía plena da Galiza para así poder construír un sistema educativo público, popular e galego.
- **Democrática:** ERGUER. Estudantes da Galiza traballa pola autoorganización do estudantado e que mediante o traballo do mesmo sexa quen de marcar as liñas a seguir e o traballo a realizar para alcanzar o noso obxectivo.
- **Popular:** ERGUER. Estudantes da Galiza loita contra a desigualdade e a privatización da educación causadas polo modelo económico capitalista. Apostamos por un ensino público e gratuíto que garanta o dereito ó ensino das clases populares, superando os modelos que só buscan a creación de man de obra. Ademais, buscamos a creación desde as aulas do país dun movemento amplo e plural que serva á defensa dos nosos intereses como clase.

- **Feminista:** ERGUER. Estudantes da Galiza busca a superación do patriarcado através da loita feminista e que conduza a unha igualdade efectiva entre xéneros e á superación destes. Como organización non cisheteropatriarcal asume as teses feministas e, por tanto, a eliminación de calquera tipo de opresión, discriminación ou explotación por razóns de xénero, entendendo como fin a abolición deste.
- **Asemblearia:** ERGUER. Estudantes da Galiza fomenta a participación do estudantado nos distintos órganos da mesma e que tome resolucións de forma colectiva mediante un modelo democrático que non só garanta voz e voto dos seus compoñentes senón que fomente a súa participación activa do debate e planificación.
- **Mobilizadora:** ERGUER. Estudantes da Galiza camiña cara a capacidade real de actuación sobre as problemáticas do estudantado. Que non caia na simple exposición de ideas e palabras se non que avogue pola loita mediante o conflito, entendendo este como único motor válido para cambiar a realidade.
- **Autoorganización:** ERGUER. Estudantes da Galiza debe ser unha ferramenta do estudantado galego, entendendo que só desta maneira poderemos ser unha organización autónoma, sen inxerencias externas e con tempos propio.
- **Inclusiva:** en ERGUER. Estudantes da Galiza terá cabida calquera estudante independentemente da súa idade, xénero, orientación sexual, relixión, etnia ou capacidades.
- **Ecoloxista:** ERGUER. Estudantes da Galiza avoga por un modelo de desenvolvemento ecoloxicamente sustentábel e socialmente xusto, sen destrución ambiental e que reduza as desigualdades dentro de cada país e entre países. Defenderemos as loitas ambientalistas centradas no país sen deixar de lado a solidariedade coas loitas da mesma índole noutros povos. Entendemos que a diversidade biolóxica ten o seu reflexo na diversidade cultural e que ámbalas dúas deben ser preservadas.
- **Internacionalista:** ERGUER. Estudantes da Galiza como organización internacionalista busca a igualdade entre os pobos do mundo e a fin das dinámicas de opresión e explotación das nacións.

CAPÍTULO II: SOBRE SIMBOLOXÍA E COMUNICACIÓN

Artigo 4º

As normativas ILG-RAG e as normativas reintegracionistas teñen cabida na actividade de ERGUER. Estudantes da Galiza.

Soamente para comunicación internacionais a organización poderá facer uso doutra lingua. Nas comunicacións de Erguer non se usará o masculino xenérico. Optarase por fórmulas xenéricas e de non ser posible polo uso do feminino xenérico.

Artigo 5º

O logo de ERGUER. Estudantes da Galiza será unha estrela de cinco picos, azul e vermella, fragmentada en tres partes, e que leva ao seu carón o nome da organización en maiúsculas en tipografía grosa e de cor negra.

Artigo 6º

Será o himno nacional o utilizado pola organización cando se requira. A bandeira será a de Galiza, coa franxa azul e estrela vermella. Como organización internacionalista, adoptamos o himno da Internacional como himno de todos aqueles pobos en loita contra o capital. Aceptamos tamén as bandeiras lilás e LGTBI xa que ERGUER. Estudantes da Galiza é unha organización feminista e antilgtbifóbica. De, nalgún caso, querer utilizar outro himno ou bandeira, este non poderá contradicir a ideoloxía da organización e necesitará a autorización do Consello Nacional para a súa utilización.

CAPÍTULO III: SOBRE AS PERSOAS ORGANIZADAS

Artigo 7º

Poderán ser integrantes de ERGUER. Estudantes da Galiza todas aquelas estudantes, que así o desexen e que asuman os principios ideolóxicos da organización e estes Estatutos. As novas integrantes da organización contarán con voto nos órganos acaídos após a súa primeira asemblea, sexa de centro ou de zona, na que se lles recoñece como membros de dito órgano e darase conta disto aos organismos superiores. É incompatíbel participar politicamente en organizacións que actúen contra os principios políticos de ERGUER. Estudantes da Galiza. Todas as integrantes son iguais entre si e posúen os mesmos dereitos.

As estudantes das distintas universidades a distancia poderán participar da Asemblea de Zona onde residan ou que mellor se adapte ás súas circunstancias. A maiores, poderán organizarse nunha Asemblea de Zona propia baixo o nome de “ERGUER. A distancia”.

Artigo 8º

Son dereitos das integrantes da organización:

- a. Contribuír a definir a orientación da organización, participando en todos os debates que se dean en todas as asembleas e organismos aos que pertenza.
- b. Elixir e ser electa para as diversas responsabilidades da organización.
- c. Recibir formación e información por parte da organización .
- d. Recibir axuda por parte da organización, en caso de ter problemas derivados ou relacionados coa súa pertenza á mesma.
- e. Asistir e participar activamente en todos os foros de debate internos.
- f. Participar das actividades desenvolvidas pola organización.
- g. Empregar os recursos dos que dispoña a organización para realizar actividades, sempre e cando sexa para uso e beneficio da propia organización.

- h. Expresarse libremente no seo da organización.
- i. Darse de baixa da organización baixo petición propia.

Artigo 9º

Son deberes das integrantes da organización:

- a. Participar activamente dos puntos de debate internos.
- b. Participar das actividades desenvolvidas pola organización.
- c. Empregar o idioma galego como único vehículo de comunicación habitual no ámbito público e promovendo o seu uso no ámbito privado.
- d. Respetar e cumprir os acordos da organización e as liñas aprobadas en Asemblea Nacional.
- e. Cumprir co traballo acordado.
- f. Respetar a todas as compañeiras da organización.
- g. Empregar unha linguaxe non discriminatoria.

CAPÍTULO IV: ESTRUCTURA ORGANIZATIVA E FUNCIONAMENTO DOS ÓRGANOS

Artigo 10º

ERGUER. ESTUDANTES DA GALIZA artícuíase de acordo aos seguintes órganos:

- a. Asemblea Nacional
- b. Consello Nacional
- c. Asemblea de Zona
- d. Asemblea de Centro

ÓRGANOS NACIONAIS E AS SÚAS FUNCIÓNS

Artigo 11º

O máximo órgano de decisión será a Asemblea Nacional (AN), da cal poderán participar todas as persoas organizadas. A AN ten potestade sobre calquera decisión que se aprobará co respaldo dunha maioría simple, agás os estatutos que precisarán da maioría de 2/3 para se modificaren.

A elección do Consello Nacional e da Comisión de garantías será potestade de cada Asemblea Nacional Ordinaria, así como daquelas extraordinarias que o suxiran. Esta Asemblea Nacional rexerese por un Regulamento propio que virá redactado polo Consello Nacional saínte.

A periodicidade da AN será de modo ordinario, celebrándose nun prazo mínimo dun ano e máximo de 18 meses. Será convocada polo Consello Nacional con mes e medio de antelación para a elaboración e debate de textos. No caso de fin de período a Portavocía Nacional deberá convocar Asemblea Nacional Ordinaria no último mes do mesmo

Para convocar unha AN Extraordinaria deberá contar cunha maioría absoluta do Consello Nacional. De non ser así, pode ser convocada por 2/3 das Asembleas Zonais, estando a favor 2/3 das integrantes de cada unha destas.

As competencias da AN son:

- a. Definir e aprobar os principios político-organizativos da organización.
- b. Definir e aprobar os obxectivos estratéxicos e a liña táctica para levalos a cabo.
- c. Emendar, debater e aprobar ou rexeitar os textos presentados polo Consello Nacional saínte.
- d. Elixir o Consello Nacional.

Artigo 12º

A Conferencia Nacional (CfN) ou Encontro Nacional é un organismo que reúne a todas as integrantes de ERGUER. ESTUDANTES DA GALIZA para analizar de xeito monográfico un tema en concreto, aprobar documentos de análise ou tomar unha postura dun acontecemento importante.

A CfN convócase polo CN por decisión da maioría das súas integrantes ou da metade das Asembleas de Zona.

A convocatoria terá que remitirse a todas as integrantes da organización como mínimo cunha semana de antelación.

Artigo 13º

O Consello Nacional é o máximo órgano de dirección de ERGUER. Estudantes da Galiza no período entre Asembleas Nacionais. Estará conformado polas responsables zonais (elixidas nas correspondentes Asembleas de Zona) e as integrantes da organización electas pola AN. O sistema de elección das integrantes do Consello Nacional será a través de listas pechadas e estará regulado no regulamento da Asemblea Nacional. Calquera militante da organización poderá presentar unha lista alternativa á proposta polo Consello Nacional saínte sempre e cando cumpra cos requisitos explícitos do regulamento da AN. No caso de haber varias listas, a cada unha delas corresponderalle un número de postos a cubrir no CN directamente proporcional ao número de votos obtido. A persoa que encabece a lista máis votada será a persoa elixida como Portavoz Nacional da organización.

O CN debe facer efectivos os acordos tomados pola AN e por en común os criterios de actuación das distintas asembleas, obedecendo aos textos aprobados na última AN.

O Consello Nacional debereunirse como mínimo cunha frecuencia mensual de xeito presencial mais permitindo a participación telemática en casos debidamente xustificadas. Estes deben ser rotativos, en termos territoriais, e deben pular por facilitar a presenza de quen teña dificultades comunicativas ou económicas para trasladarse, financiando unha porcentaxe da viaxe a quen así llo solicite á responsábel de finanzas con anterioridade á xuntanza. Esta porcentaxe será decidida pola Consello Nacional após a súa constitución despois da AN.

Convocarase de xeito telemático ás persoas que formen parte do CN, cun mínimo de 72h de antelación, acompañando a convocatoria dunha orde do día que poderá ser modificada. Nas seguintes 96h deben enviarse os acordos ao conxunto do CN. As responsábeis das Asembleas Zonais darán conta destes nas asembleas de zonas onde poderán ser mostrados posteriormente a calquera membro da organización se así o solicita, coa fin de que a información e a comunicación entre o CN e toda a militancia sexa totalmente transparente e eficaz.

O Consello Nacional debe elaborar propostas e documentos a debate nas distintas asembleas do país, do mesmo xeito que debe recoller e valorar as propostas feitas nas mesmas asembleas.

Artigo 14º

As funcións do Consello Nacional serán:

- a. Dirixir o traballo táctico e estratéxico a partir dos acordos xurdidos da Asemblea Nacional.
- b. Convocar as Asembleas Nacionais Ordinarias ou Extraordinarias e elaborar os documentos precisos para as mesmas.
- c. Manter e ampliar as relacións con outras organizacións galegas ou internacionais.
- d. Planificar e rexer o patrimonio e os recursos financeiros e materiais da organización.
- e. Proporlle á Asemblea Nacional a existencia dunha cota extraordinaria en situacións puntuais xustificadas.
- f. Garantir o cumprimento dos acordos emanados da Asemblea Nacional.
- g. Realizar o traballo nacional que se requira.
- h. Render contas perante a Asemblea Nacional.
- i. Someter á aprobación da Asemblea Nacional o balance económico da organización.
- j. Traballar pola expansión organizativa.
- k. Realizar seguimento constante da actividade da organización de cara á consolidación organizativa no campo do movemento estudantil.
- l. Representar a promoción pública da organización.

- m. Elaborar as comunicacións públicas da organización ou, no seu caso, escoller á persoa/persoas que as elaborarán.
- n. Elaborar planos de actuación, recollendo e analizando as propostas da base da organización.

Artigo 15º

Son deberes das integrantes do Consello Nacional:

- a. Acudir regularmente ás xuntanzas de dito organismo e participar activamente de todos os debates.
- b. Elaboración periódica de documentos que recollan propostas tácticas para a concreción da actividade de cada área nos distintos espazos da organización.
- c. Desenvolver o traballo da súa responsabilidade acordado nas xuntanzas.
- d. Velar pola realización do traballo acordado pola organización nos distintos espazos de actuación.
- e. Participar activamente dos demais órganos aos que pertence sen descoidar o traballo de base.

ÓRGANOS ZONAIS E AS SÚAS FUNCIÓNS

Artigo 16º

O máximo órgano zonal é a Asemblea de Zona que está formada polas integrantes da organización dentro dunha mesma zona, formadas polas comarcas ou localidades que a organización estableza. As zonas están constituídas por un mínimo de tres membros e deben limitarse de xeito que se asemellen o máximo posíbel ás comarcas do país, incorporando tamén a elas á militancia de Erguer que estude en centros próximos de comarcas próximas con zonas aínda non constituídas que así o desexaren.

Estas deben reunirse como mínimo unha vez ao mes. As integrantes destes centros deberán traballar conxuntamente coa responsábel de expansión organizativa para ampliaren a base da organización na comarca e se constituíren en zona o antes posíbel. As asembleas de centro intégranse dentro da zona.

Artigo 17º

As funcións da Asemblea Zonal son as seguintes:

- a. Escoller a responsábel zonal.
- b. Definir as liñas de traballo a nivel zonal.
- c. Trasladar un informe económico periodicamente ao Consello Nacional, o cal será recollido e arquivado pola Responsábel Nacional de Finanzas.
- d. Elaborar un calendario bimensual, contando coas propostas das Asembleas de Centro, de actividades a realizar na zona.
- e. A convocatoria de asembleas debe facerse cun mínimo de 48h de antelación, acompañándoa dunha orde do día que poderá ser modificada. Nas seguintes 72h, após a celebración da asemblea, deben enviarse os acordos ás integrantes da Asemblea Zonal.

RESPONSABILIDADES E AS SÚAS FUNCIÓNS

Artigo 18º

O Consello Nacional de ERGUER. Estudantes da Galiza, organizase nas seguintes responsabilidades:

- a. Portavoz Nacional.
- b. Responsábel de Comunicaci3ns, Formaci3n e Publicaci3ns.
- c. Responsábel de Finanzas.
- d. Responsábel de Expansi3n Organizativa e Implantaci3n.
- e. Responsábel de Relaci3ns Socio-pol3ticas e Internacional.
- f. Responsábel de Feminismo.
- g. Calquera outra responsabilidade que a Asemblea Nacional ou o Consello Nacional vexa preciso no per3odo interasemblar.

Artigo 19º

A Asemblea de Centro 3 o 3rgano m3is reducido en canto a integrantes dentro da estrutura de Erguer. Estudantes da Galiza. Est3 formada polas militantes dentro dun mesmo centro ou centros con caracter3sticas similares, segundo sexa considerado polo responsable de zona.

Debe reunirse con certa regularidade co fin de manter 3 organizaci3n presente nos asuntos do d3a a d3a da facultade ou das facultades. As distintas Asembleas de Centro dunha mesma zona integran a Asemblea de Zona.

As funci3ns da Asemblea de Centro son as seguintes:

- a. Escoller 3 responsábel de centro.

- b. Definir as liñas de traballo a nivel do centro.
- c. Aportar propostas á asemblea de zona para a realización dun calendario bimensual de actividades a realizar na zona.
- d. A convocatoria de asembleas debe facerse cun mínimo de 48h de antelación, acompañándoa dunha orde do día que poderá ser modificada. Nas seguintes 72h, após a celebración da asemblea, deben enviarse os acordos ás integrantes da Asemblea de Centro.

Artigo 20º

A persoa que sexa escollida Portavoz Nacional terá as seguintes competencias:

- a. Convocar as reunións nacionais e coordinar o traballo do Consello Nacional.
- b. Velar pola creación das actas e os documentos internos do órgano. Levar un seguimento da actividade nacional e da situación organizativa.
- c. Presidir e moderar as reunións nacionais.
- d. Coordinar o traballo das responsabilidades nacionais estando en constante comunicación coas responsábeis das mesmas.

Artigo 21º

A persoa que sexa escollida Responsábel Nacional de Finanzas e Relacións Institucionais terá as seguintes competencias:

- a. Coordinar a acción da organización no eido institucional de representación do estudantado (Xuntas de Facultade, Claustro, Consellos de Goberno, Consellos Escolares, etc.).
- b. Coñecer as diferentes normativas educativas do marco galego, revisando periodicamente os cambios que se produzan nas mesmas e velando pola información do conxunto da organización neste aspecto.

- c. Levar o control detallado das contas da organización trasladando a información actualizada a cada CN.
- d. Asegurar, xunto coas responsábeis zonais, o pagamento das cotas extraordinarias, en caso de se establecer.
- e. Procurar vías de financiamento e ter coñecemento sobre as diferentes subvencións para solicitalas.
- f. Elaborar un libro de contas onde se recolla toda a información económica.
- g. Xestionar, conxuntamente co CN, o patrimonio da organización e controlar os gastos realizados, así como o seu abonamento á persoa correspondente.
- h. Coordinar e controlar a venda de material e a súa distribución entre as diferentes Asembleas Zonais.

Artigo 22º

A persoa que sexa escollida Responsábel Nacional de Comunicación, Formación e Publicacións terá as seguintes competencias:

- a. Elaborar plans comunicativos e boletíns de comunicación interna sempre que o CN o vexa necesario.
- b. Ocuparse da xestión das redes sociais e da web, así como asegurar a coherencia entre os diferentes perfís das zonas ou centros.
- c. Editar material, tanto informativo como axitativo.
- d. Encargarse da forma dos contidos que poidan crear outras responsabilidades.
- e. Encargarse de enviar os contidos correspondentes á prensa e aos medios de comunicación.

Artigo 23º

A persoa que sexa escollida Responsábel Nacional de Relacións Sociopolíticas e Internacionais terá as seguintes competencias:

- a. Manter relacións con organizacións galegas de carácter político e social.
- b. Participar daqueles organismos que teñen relación directa co tecido educativo.
- c. Manter o contacto coas organizacións estudiantís de fóra do país coas que partillemos os principios ideolóxicos.
- d. Pular pola creación de espazos de traballo conxunto.

Artigo 24º

A persoa que sexa escollida Responsábel Nacional de Expansión Organizativa e Implantación terá as seguintes competencias:

- a. Elaborar plans para o espallamento da organización e estratexias para chegar a aqueles lugares ou sectores estudiantís onde non temos presenza.
- b. Procurar ferramentas de traballo e comunicativas para facilitar a constitución de asembleas zonais, así como a súa propia expansión nos diferentes centros e vilas da zona.
- c. Coordinar a actividade zonal a nivel nacional, así como asegurar a correcta transmisión da información en calquera ámbito organizativo.
- d. Elaborar e manter actualizado o censo nacional.

Artigo 25º

A persoa que sexa escollida Responsábel Nacional de Feminismo terá as seguintes competencias:

- a. Elaborar as campañas feministas da organización, tanto nas datas sinaladas como nos momentos que se estimen necesarias.
- b. Velar pola seguridade e a igualdade real entre todas as persoas integrantes da organización.
- c. Manter, xunto coa Responsabilidade Nacional de Relacións Sociopolíticas e Internacionais, a relación coas organizacións feministas galegas.

Artigo 26º

As funcións das responsábeis zonais será as seguintes:

- a. Pertencer ao Consello Nacional e informar dos sucesos da súa zona.
- b. Ter informada á zona dos acordos nacionais.
- c. Convocar as Asembleas Zonais.
- d. Coordinar o traballo entre as responsábeis de centro e comunicarlles os acordos do Consello Nacional.
- e. Manter as relacións sociopolíticas da zona, ou nomear a unha persoa encargada de facelo e referendada pola Asemblea de Zona.

A COMISIÓN DE GARANTÍAS

Artigo 27º

A Comisión de Garantías é o órgano encargado da defensa e garantía dos dereitos das persoas integrantes de ERGUER. Estudantes da Galiza durante o período entre dúas Asembleas Nacionais.

Está formada por membros de ERGUER. Estudantes da Galiza e as súas funcións serán:

- a. Asegurar e facer cumprir os dereitos da militancia.

- b. Interpretar as teses e actuar en caso de incumprimento.
- c. Velar polo cumprimento e execución dos acordos da Asemblea Nacional.
- d. Elixir unha Secretaría que coordine a Comisión e sexa a persoa á que apelar.

Artigo 28º

A elección da Comisión de Garantías:

Da elección da Comisión de Garantías. A CG estará formada por 3 membros e 3 suplentes, deberá ser paritaria e non poderán ter ningunha outra responsabilidade no seo da organización.

A elección da CG farase na primeira xuntanza do Consello Nacional a partir dos nomes propostos nas zonas. As súas competencias, namentres non se constitúa esta, serán exercidas polo CN saínte.

No caso de que algunha persoa membro da Comisión de Garantías cause baixa da organización ou sexa parte implicada na actuación da CG, será substituída pola primeira suplente acordada polo CN.

Artigo 29º

Da actuación da Comisión de Garantías A CG actuará de oficio se considera que non se están cumprindo as teses vixentes ou a petición de calquera membro que o solicite. A solicitude da CG farase a través do correo electrónico oficial de ERGUER. Estudantes da Galiza, expoñendo os motivos polos que considera que foron vulnerados os seus dereitos como integrante da organización e solicitando a actuación da CG en consecuencia. A Comisión de Garantías falará coa persoa solicitante e deliberará se foron vulnerados os seus dereitos. En función da súa deliberación tomará unha decisión sobre como actuar, estas decisións deben tomarse por maioría e terán un carácter definitivo e inapelábel.

CAPITULO V: SOBRE O REXIME ECONÓMICO

Artigo 30º

O patrimonio inicial da organización conformase o día da Asemblea Nacional Constituínte. Este patrimonio destinarase a cubrir as actividades da organización e administrarse segundo as disposicións deste capítulo. Este patrimonio será xestionado pola persoa Responsable de Finanzas.

Artigo 31º

O peche de cada exercicio económico coincidirá coa celebración de cada Asemblea Nacional.

Artigo 32º

A organización manterase cos seguintes recursos:

- a. Cotas extraordinarias fixadas polo Consello Nacional á maneira de custo de 'inscrición' nunha Asemblea Nacional.
- b. Doazóns ou subvencións que poidan conceder órganos públicos, entidades privadas ou particulares.
- c. Ingresos que se poidan percibir polo desenvolvemento das actividades da organización.
- d. Calquera ingreso que non incumpra os estatutos da organización.
- e. A organización tamén percibirá ingresos a partir da venda de material editado pola mesma.

Artigo 33º

Para a disposición de fondos en calquera conta da organización en entidades bancarias Terán recoñecidas as súas sinaturas a responsábel de organización e a responsábel de finanzas.

Como entidade sen ánimo de lucro en ningún caso poderán ser distribuídos entre as asociadas os recursos obtidos pola organización.

CAPITULO VI: SOBRE A MODIFICACIÓN DE ESTES ESTATUTOS E DISOLUCIÓN DA ORGANIZACIÓN.

Artigo 35º

Estes estatutos poderán ser modificados en Asemblea Nacional Extraordinaria convocada para tal efecto, adoptados por 2/3 das asociadas. A convocatoria deberá ir acompañada do texto das modificacións propostas.

Poderán ser modificados nunha Asemblea Nacional Ordinaria sempre e cando a aprobación da modificación (por 2/3 mínimo das integrantes da Asemblea) non interfira co Regulamento da mesma nin incapacite outros textos sometidos a debate na mesma. Nese caso a modificación dos Estatutos deberá acompañarse de todas as modificacións oportunas, sendo estas aprobadas ao momento de aprobarse a modificación dos Estatutos.

Artigo 36º







A organización poderá disolverse voluntariamente por acordo das asociadas adoptada por 2/3 das asistentes á Asemblea Nacional Extraordinaria convocada con tal efecto.

Artigo 37º

Logo da acordada disolución, a Asemblea Nacional Extraordinaria designará tres asociadas que xunto á Responsábel de Organización e a Responsábel de Finanzas efectuarán a liquidación de bens, pagando débedas, cobrando créditos e fixando o haber líquido resultante.

Artigo 38º

O haber resultante, unha vez efectuada a liquidación, dotarase a outra organización non lucrativa galega con fins iguais ou semellantes que os desta organización.



ESTUDAMOS PARA
LIBERAR
GALIZA